



ШҮҮХИЙН ШИЙДВЭР ГҮЙЦЭТГЭХ
ЕРӨНХИЙ ГАЗРЫН ДАРГЫН
ТУШААЛ

2022 оны 07 сарын 01 өдөр

Дугаар A/160

Улаанбаатар хот

Журамд нэмэлт оруулах тухай

Монгол Улсын Засгийн газрын агентлагийн эрх зүйн байдлын тухай хуулийн 8 дугаар зүйлийн 8.4, Шүүхийн шийдвэр гүйцэтгэх тухай хуулийн 262 дугаар зүйлийн 262.1.2 дахь заалтыг тус тус үндэслэн ТУШААХ нь:

1. Шүүхийн шийдвэр гүйцэтгэх ерөнхий газрын даргын 2007 оны 07 дугаар сарын 25-ны өдрийн А/160 дугаар тушаалаар батлагдсан “Шүүхийн шийдвэр гүйцэтгэх байгууллагын ажилтанд шагнал, урамшуулалт олгох журам”-ын дараах хэсэгт нэмэлт оруулсугай.

1/ Хоёрдугаар зүйлийн 2.2 дахь хэсгийн “-Шүүхийн шийдвэр гүйцэтгэх байгууллагын “Хүндэт тэмдэг” гэсний дараа Шүүхийн шийдвэр гүйцэтгэх байгууллагын “Жуух бичиг”;

2/ Тавдугаар зүйлийн 5.12 дахь хэсэгт “Шүүхийн шийдвэр гүйцэтгэх байгууллагын “Жуух бичиг”-ээр Шүүхийн шийдвэр гүйцэтгэх байгууллагад эрхэлсэн ажилдаа идэвхи зүтгэл, үр бүтээлтэй 15 ба түүнээс дээш жил ажиллаж байгаа ажилтан, албан хаагч, түүнчлэн энэ журмын 3.4-д заасан шаардлагыг хангасан төрийн бусад байгууллагын ажилтан, албан хаагчийг шагнана”;

2. Тус тушаалын хоёрдугаар хавсралтаар батлагдсан “Шүүхийн шийдвэр гүйцэтгэх байгууллагын тэмдэг, үнэмлэхний тодорхойлолт”-д дараах шагналын тодорхойлолтыг нэмсүгэй.

3. Энэ тушаалыг 2022 оны 07 дугаар сарын 08-ны өдрөөс эхэлж дагаж мөрдсүгэй.

4. Тушаалын хэрэгжилтэд хяналт тавьж ажиллахыг Захиргааны удирдлагын газар (хурандаа Ч.Нэргүй)-т даалгасугай.

ДАРГА, ХУРАНДАА

Д.ЗАГДЖАВ



1501013683

Шүүхийн шийдвэр гүйцэтгэх ерөнхий
газрын даргын оны дугаар сарын
01-ний өдрийн 16.0 дугаар тушаалын
хавсралт

**ДОЛОО. ШҮҮХИЙН ШИЙДВЭР ГҮЙЦЭТГЭХ БАЙГУУЛЛАГЫН
“ЖУУХ БИЧИГ”-ИЙН ТОДОРХОЙЛОЛТ**

7.1.Шүүхийн шийдвэр гүйцэтгэх байгууллагын “Жуух бичиг”-ийн хавтас нь 210x297 мм хэмжээтэй, улаан өнгийн хамбан эдээр үйлдсэн, гадна талын нүүрэн дээр байрлах Соёмбо тэмдэг болон “Жуух бичиг” гэсэн бичээс нь алтан шар өнгөтэй байна.

7.2.Үнэмлэхний хавтасны дотор талын баруун хэсэгт төгсгөлгүй үргэлжлэн дэлгэрэх түмэн насан хээн дэвсгэр дээр алхан хээгээр хүрээлүүлж, гол хэсэгт алтан шаргал өнгийн бадам цэцэг суурь дээр соёмбо тэмдэг байрлах бөгөөд “Дугаар” гэдэг үгийг хар өнгөөр бичсэн байна.

7.3.Үнэмлэхний хавтасны дотор талын зүүн хэсгийн дээд талд Шүүхийн шийдвэр гүйцэтгэх байгууллагын бэлгэ тэмдэг байрлах бөгөөд түүний доод талд “Жуух бичиг” хэмээх үгийг улаан өнгөөр бичиж, шагнагдагчийн овог нэр болон эрхэлсэн ажилдаа идэвх зүтгэл, үр бүтээл гарган ажиллаж байгааг тань үнэлж, Шүүхийн шийдвэр гүйцэтгэх байгууллагын “Жуух бичиг”, 300.000 мянган төгрөгөөр шагнав” гэсэн хар өнгийн бичээсийг байрлуулж, Ерөнхий газрын дарга гарын үсэг зурж, тамга тэмдгээр баталгаажуулсан байна.



ШҮҮХИЙН ШИЙДВЭР ГҮЙЦЭТГЭХ
ЕРӨНХИЙ ГАЗРЫН ДАРГЫН
ТУШААЛ

2022 оны 03 сарын 16 өдөр

Дугаар 458

Улаанбаатар хот


Журамд өөрчлөлт оруулах тухай

Засгийн газрын агентлагийн эрх зүйн байдлын тухай хуулийн 8 дугаар зүйлийн 8.4 дэх заалт, Шүүхийн шийдвэр гүйцэтгэх тухай хуулийн 262 дугаар зүйлийн 262.1.2 дахь хэсэг, Шүүхийн шийдвэр гүйцэтгэх ерөнхий газрын даргын зөвлөлийн 2022 оны 03 дугаар сарын 15-ны өдрийн хуралдааны шийдвэрийг тус тус үндэслэн ТУШААХ нь:

1. Шүүхийн шийдвэр гүйцэтгэх ерөнхий газрын даргын 2007 оны 07 дугаар сарын 25-ны өдрийн "Шагнал бий болгох тухай" А/106 дугаар тушаалын 1 дэх заалт, мөн тушаалын 1, 2, 3 дугаар хавсралтууд дахь "Албаны төлөө" I, II, III зэргийн тэмдэг" гэснийг "Албаны төлөө - I, II, III медаль" гэж тус тус өөрчлөн найруулсугай.
2. Энэ тушаалыг 2022 оны 03 дугаар сарын 16-ны өдрөөс дагаж мөрдсүгэй.
3. Тушаалын хэрэгжилтэд хяналт тавьж ажиллахыг Захиргааны удирдлагын газар /хурандаа Ч.Нэргүй/-т даалгасугай.

ДАРГА, ХУРАНДАА

Д.ЗАГДЖАВ



1501011162



ШҮҮХИЙН ШИЙДВЭР ГҮЙЦЭТГЭХ ЕРӨНХИЙ ГАЗРЫН ДАРГЫН ТУШААЛ

2020 оны 01 сарын 21 өдөр

Дугаар A/11

Улаанбаатар хот

Журамд нэмэлт, өөрчлөлт оруулах тухай

Засгийн газрын агентлагийн эрх зүйн байдлын тухай хуулийн 8 дугаар зүйлийн 8.4, Шүүхийн шийдвэр гүйцэтгэх тухай хуулийн 262 дугаар зүйлийн 262.1.2 дахь заалт, Шүүхийн шийдвэр гүйцэтгэх ерөнхий газрын даргын зөвлөлийн 2020 оны 01 дүгээр сарын 07-ны өдрийн хуралдааны шийдвэрийг тус тус үндэслэн ТУШААХ нь:

1. Шүүхийн шийдвэр гүйцэтгэх ерөнхий газрын даргын 2007 оны 07 дугаар сарын 25-ны өдрийн “Шагнал бий болгох тухай” А/106 дугаар тушаалын 1 дүгээр зүйлийн “Хүндэт ажилтан” гэсний өмнө “Төрийн хуяг” гэж нэмсүгэй.

2. Шүүхийн шийдвэр гүйцэтгэх ерөнхий газрын даргын 2007 оны 07 дугаар сарын 25-ны өдрийн А/106 дугаар тушаалын нэгдүгээр хавсралтаар батлагдсан “Шүүхийн шийдвэр гүйцэтгэх байгууллагын ажилтанд шагнал, урамшуулал олгох журам”-ын дараах хэсэг, заалтад нэмэлт оруулсугай.

1/ Хоёр дахь хэсгийн 2.2 дахь заалтын “ -Шүүхийн шийдвэр гүйцэтгэх байгууллагын “Хүндэт ажилтан”” гэсний өмнө “ -Төрийн хуяг” гэж;

2/ Тав дахь хэсгийн 5.10 дахь заалт:

“5.10. Шүүхийн шийдвэр гүйцэтгэх байгууллагад 20-оос доошгүй жил үр бүтээлтэй ажиллаж, хариуцсан ажилдаа амжилт гарган ажил үйлсээрээ тэргүүлсэн, байгууллагын эрх зүйн орчинг боловсронгуй болгох, үйл ажиллагааны үр нөлөөг дээшлүүлэх талаар идэвх зүтгэл, санаачилга гарган ажилласан алба хаагчийг “Төрийн хуяг” өргөмжлөл, малгай, хантааз, цом, мөнгөн шагналаар шагнана. Уг шагналд 2 сая /хоёр сая төгрөг/ дагалдана.”

, “5.11. Энэ журмын 5.10-т заасан шагналыг тухайн жилд олгох эсэхийг Шүүхийн шийдвэр гүйцэтгэх ерөнхий газрын даргын зөвлөлийн хуралдаанаар шийдвэрлэнэ.”

3. Тус тушаалын хоёрдугаар хавсралтаар батлагдсан “Шүүхийн шийдвэр гүйцэтгэх байгууллагын тэмдэг, үнэмлэхний тодорхойлолт”-д дараах шагналын тодорхойлолтыг нэмсүгэй.

1/ ЗУРГАА. ШҮҮХИЙН ШИЙДВЭР ГҮЙЦЭТГЭХ БАЙГУУЛЛАГЫН “ТӨРИЙН ХУЯГ” ШАГНАЛЫН ТОДОРХОЙЛОЛТ:

“Нэг. Хантаазны тодорхойлолт”

“1.1. Хантааз нь цайвар ногоон өнгийн торгоор урлаж, өнгө дагуу нимгэн тортон дотроор доторлоно. Зах, ханцуйн ухлаадас, энгэр, ташааны оноо, хормойг тод ногоон өнгийн пүүсүүгээр дан, давхар /3,0:0,5 сантиметр/ эмжсэн, энгэр баруун тийш зөрсөн, хоёр ташаандаа үзүүр сөөм оноотой байх бөгөөд зах болон энгэрийн омог хурц, бага ба дагал энгэртэй, заханд 2 ширхэг, энгэрт 2 ширхэг, суганд 1 ширхэг, ташаан үзүүрт 1 ширхэг, урд хормойн хошуунд 1 ширхэг сампин зангидал товчтой, ар болон энгэрийн гол хэсэгт 25 сантиметрийн голчтой дугуй хэлбэрийн цагаан өнгийн түмэн наст хээтэй, тортон суурь дээр шар өнгийн соёмботой байх бөгөөд улаан өнгөөр соёмбын зүүн талд “ТӨРИЙН” баруун далд “ХУЯГ” гэж Уйгаржин монгол бичгээр хатгаж, дугуй суурийн гадна ирмэгээр 0,5 сантиметрийн тод ногоон өнгийн давхар хүрээ хатгаж ил дарж оёсон байна.

“Хоёр. Малгайны тодорхойлолт”

“2.1. Малгай нь дугуй гурвалжин хэлбэрийн улаан өнгийн цомбон гозгор оройтой, оройн голд 3 сантиметрийн голчтой, голдоо нүхтэй дугуй хэлбэрийн ногоон боржин чулуун сууриинд улаан өнгийн торгоор сампин зангидал суулгасан, сампингаас орой руу цэнхэр өнгийн торгоор дөрвөн талт унжлага дарж оёсон, сууриараа өргөссөн, хойд хэсгээрээ сэтэлж, дэрвийсэн хар өнгийн хамбан буулгатай байна. Буулгын дээд хэсгийг цэнхэр өнгийн пүүсүү торгоор өнгөлж, орой болон буулганд зулхай барьж “дог жинс” хэлбэр оруулан ширж, нимгэн тортон доторлоно. Ар шилэвчээс улаан өнгийн /40 сантиметр/ хос залааг унжуулах бөгөөд буулгын гол хэсэгт улаан өнгийн 2 бүтэй байна.

“Гурав. Цомын тодорхойлолт”

“3.1. Цом нь 1921 онд анх байгуулагдсан “Гяндан салаа”-ны төрийн хуягийг билэгдсэн баримал байна. Барималын суурийн урд хэсэгт “ТӨРИЙН ХУЯГ” гэсэн бичээстэй, өндөр 9 см, өргөн 10.5 см, Барималын өндөр 21.5 см, өргөн 10.2 см хэмжээтэй байна.

Баримал нь ногоон боржин чулуун суурьтай, төрийн хуягийг билэгдсэн эрэгтэй хүнийг дүрсэлсэн байна. Баримал нь тортон дээл, оройн дээр сампин зангидал, шовгор оройтой малгай өмссөн, энгэр хэсэгт “төрийн хуяг” гэсэн Уйгаржин монгол бичигтэй хантаа зтай, баруун мөрөндөө урт буу мөрлөсөн, зүүн гарандаа дөнгөний 3 ш түлхүүр атгасан, зүүн ташаандаа цэрэг урт сэлэм зүүсэн, алтан шармал өнгөтэй баримал байна.

4. Тус тушаалын гуравдугаар хавсралтаар батлагдсан “загвар-тэмдэг”-т дараах нэмэлт оруулсугай.

“ТӨРИЙН ХУЯГ” шагналын малгай, хантааз, цомын загвар





5. Дээрх шагналыг батлагдсан загварын дагуу захиалан хийлгэх ажлыг зохион байгуулж, зохих нөөцтэй байлгах арга хэмжээ авахыг Санхүү, үйлдвэр, хөрөнгө оруулалтын газар /хурандаа О.Шагдарсүрэн/ даалгасугай.

6. Энэхүү тушаалын хэрэгжилтэд хяналт тавьж ажиллахыг Захиргааны удирдлагын газар /хошууч С.Батбямба/-т үүрэг болгосугай.

ДАРГА, ХУРАНДАА

Д.ДАМДИНЦЭРЭН



ШҮҮХИЙН ШИЙДВЭР ГҮЙЦЭТГЭХ ЕРӨНХИЙ ГАЗРЫН ДАРГЫН ТУШААЛ

2016 оны 06 сарын 16 өдөр

Дугаар 8/151

Улаанбаатар хот

Журамд нэмэлт өөрчлөлт оруулах тухай

“Засгийн газрын агентлагийн эрх зүйн байдлын тухай” Монгол Улсын хуулийн 8 дугаар зүйлийн 8.4, “Шүүхийн шийдвэр гүйцэтгэх тухай” Монгол Улсын хуулийн 6 дугаар зүйлийн 6.1.3 дахь заалт, Шүүхийн шийдвэр гүйцэтгэх ерөнхий газрын Захиргааны удирдлагын газрын саналыг тус тус үндэслэн ТУШААХ НЬ:

1. Шүүхийн шийдвэр гүйцэтгэх ерөнхий газрын даргын 2007 оны 07 дугаар сарын 25-ны өдрийн А/106 дугаар тушаалаар батлагдсан “Шүүхийн шийдвэр гүйцэтгэх байгууллагын ажилтанд шагнал, урамшуулалт олгох журам”-ын 5 дугаар зүйлийн 5.8 дахь хэсгийн заалтыг “Хүндэт дэвтэр”-т төв, орон нутгийн байгууллагад 20-иос доошгүй жил үр бүтээлтэй ажилласан, салбарын хөгжил, үндсэн чиг үүргийг хэрэгжүүлэх үлпсэд онцгой хувь нэмэр оруулсан албан хаагч, ахмад ажилтан, Монгол Улсын ардын болон гавьяат цол, төрийн шагнал хүртсэн алдар хүндтэй хүмүүсээс шалгаруулж, нэрийг нь бичиж алдаршуулан, “Дурсгалын гэрчилгээ”, 100000 төгрөгийн мөнгөн шагнал олгоно.” гэж өөрчлөн найруулсугай.

2. “Хүндэт дэвтэр”-т бичин алдаршуулахад дагалдах мөнгөн шагналыг зохих журмын дагуу гаргахыг Санхүү, үйлдвэр, хөрөнгө оруулалтын газар /хурандаа Ш.Эрхэмбаяр/-т зөвшөөрсүгэй.

3. Энэхүү тушаалын хэрэгжилтийг хангуулан, биелэлтэд хяналт тавин ажиллахыг Захиргааны Удирдлагын газар /хурандаа М.Алтан-Очир/-т даалгасугай.

ДАРГА,
БРИГАДЫН ГЕНЕРАЛ

Б.БИЛЭГТ





ШҮҮХИЙН ШИЙДВЭР ГҮЙЦЭТГЭХ ЕРӨНХИЙ ГАЗРЫН ДАРГЫН ТУШААЛ

2013 оны 04 сарын 24 өдөр

Дугаар A/78

Улаанбаатар хот

Журамд өөрчлөлт оруулах тухай

Засгийн газрын агентлагийн эрх зүйн байдлын тухай хуулийн 8 дугаар зүйлийн 8.3.2 дахь заалт, Шүүхийн шийдвэр гүйцэтгэх тухай хуулийн 6 дугаар зүйлийн 6.1.3 дахь заалт, Шүүхийн шийдвэр гүйцэтгэх ерөнхий газрын даргын зөвлөлийн 2012 оны 04 дүгээр сарын 12-ны өдрийн хуралдааны шийдвэрийг тус тус үндэслэн ТУШААХ нь:

1. Шүүхийн шийдвэр гүйцэтгэх ерөнхий газрын даргын 2007 оны А/106 дугаар тушаалын нэгдүгээр хавсралтаар баталсан “Шүүхийн шийдвэр гүйцэтгэх байгууллагын ажилтанд шагнал, урамшуулал олгох журам”-ын 4.1 дэх заалтыг “4.1. Шүүхийн шийдвэр гүйцэтгэх байгууллагын шагналыг Монгол цэргийн баяр, Ардын хувьсгалын ойн баяр, Үндэсний эрх чөлөө, тусгаар тогтолоо сэргээсний баярын өдөр, Шүүхийн шийдвэр гүйцэтгэх ажилтны өдөр болон байгууллагын ойг тохиолдуулан олгоно.” гэж өөрчлөн найруулсугай.

2. Мөн журмын 2.1 болон 3.2 дахь заалтын “Хууль зүй, дотоод хэргийн” гэснийг “Хууль зүйн” гэж, 5.6 дахь заалтын “10-аас дээш жил” гэснийг “7-гоос дээш жил” гэж, 5.9 дэх заалтын “15,000/арван таван мянган/” гэснийг “30,000/гучин мянган/” гэж, 5.11 дэх заалтын “тэмдэг хооронд 5-аас доoshгүй” гэснийг “тэмдэг хооронд 3-аас доoshгүй” гэж, 3.1 дэх заалтын “Тамгын газрын дарга” гэснийг “Захиргааны удирдлагын газрын дарга” гэж, 4.2 дахь заалтын “Тамгын газарт” гэснийг “Захиргааны удирдлагын газарт” гэж, 3.3, 4.4 болон 7.3 дахь заалтын “Тамгын газар” гэснийг “Захиргааны удирдлагын газар” гэж, тус тус өөрчилсүгэй.

3. Энэ тушаалын хэрэгжилтэд хяналт тавьж ажиллахыг Захиргааны удирдлагын газар /хурандаа Б.Сэр-Од/-т даалгасугай.

ДАРГА, ХУРАНДАА

Д.ЯДАМДОРЖ



002306



ШҮҮХИЙН ШИЙДВЭР ГҮЙЦЭТГЭХ ЕРӨНХИЙ ГАЗРЫН ДАРГЫН ТУШААЛ

2013 оны 04 сарын 01 өдөр

Дугаар A/61

Улаанбаатар хот

Журамд өөрчлөлт оруулах тухай

Шүүхийн шийдвэр гүйцэтгэх тухай хуулийн 6 дугаар зүйлийн 6.1.3 дахь заалт, Шүүхийн шийдвэр гүйцэтгэх ерөнхий газрын даргын Зөвлөлийн 2013 оны 3 дугаар сарын 11 өдрийн хуралдааны шийдвэрийг тус тус үндэслэн ТУШААХ нь:

- “Шагнал бий болгох тухай” 2007 оны 07 дугаар сарын 25-ны өдрийн А/106 дугаар тушаалын 1 дүгээр зүйлд “Тэргүүний шийдвэр гүйцэтгэгч” гэж нэмсүгэй.
- Дээрх тушаалын 1 дүгээр хавсралтаар баталсан “Шүүхийн шийдвэр гүйцэтгэх байгууллагын ажилтанд шагнал, урамшуулал олгох журам”-ын 2.2-д “Тэргүүний шийдвэр гүйцэтгэгч” гэж, мөн журмын 5.3-д “Тэргүүний шийдвэр гүйцэтгэгч” тэмдгээр Шүүхийн шийдвэр гүйцэтгэлийн албанд 8-аас дээш жил үр бүтээлтэй ажиллаж, хариуцсан ажилдаа амжилт гаргаж, ажил үйлсээрээ тэргүүлсэн ажилтныг шагнах ба шагнагдсан ажилтанд үнэмлэх, энгэрийн тэмдгийн хамт олгоно” гэж тус тус нэмж бүлгүүдийн доторхи хэсэг, заалтын дугаарыг бүлгийн шинэ заалтад нийцүүлэн өөрчилсүгэй.
- “Тэргүүний шийдвэр гүйцэтгэгч” тэмдгийн загварыг хавсралтаар баталсугай.
- Дээрх шагналын тэмдгийг батлагдсан загварын дагуу захиалан хийлгэх ажлыг зохион байгуулж, зохих нөөцтэй байлгах арга хэмжээ авахыг Санхүү, үйлдвэр, хөрөнгө оруулалтын газар /хурандаа М.Хуягбаатар/, Захиргааны удирдлагын газар /хурандаа Б.Сэр-Од/-т тус тус үүрэг болгосугай.

ДАРГА, ХУРАНДАА

Д.ЯДАМДОРЖ

ХУУЛБАР ҮНЭН:

Захиргааны удирдлагын газрын дарга,
хурандаа
2013.04.01



Б.Сэр-Од


ШШГЕГ-ЫН даргын 2013 оны
4/61. дугаар тушаалын хавсралт

**“ТЭРГҮҮНИЙ ШИЙДВЭР ГҮЙЦЭТГЭГЧ”
ТЭМДЭГ, ҮНЭМЛЭХНИЙ ТОДОРХОЙЛОЛТ**

Нэг. “Тэргүүний шийдвэр гүйцэтгэгч” тэмдгийн тодорхойлолт

1.1 Шүүхийн шийдвэр гүйцэтгэх байгууллагын “Тэргүүний шийдвэр гүйцэтгэгч” тэмдэгнүүд, ард түмэндээ үйлчлэх, хамгаалах утгатай бамбайхэлбэртэй, суурь хэсгээрээ өсөн дэвжихийн билэгдэл арвай буудай хүрээтэй, бамбайн дунд хэсэгт нь Монгол Улсын төрийн далбааны дэвсгэр дээр төрийн билэгдэл бадамлянхуа суурь бүхий алтан соёмбыг дүрсэлсэн, түүний доор байгууллагын нэрийн товчлол “ШГГ” гэж, тэмдгийн хажуу хэсгийн шар өнгийн дэвсгэр “Тэргүүний гүйцэтгэгч” гэж монгол үсгээр бичсэн байна. Бамбайн орой дээр Шүүхийн шийдвэр гүйцэтгэх байгууллагын билэгдэл бүргэдийн дурсийг товоилгон, гол хэсэгт төрийн хэргийг мэргэн явуулахын билэгдэл илдийг байрлуулж, илдний бариул дээр эрч хүчийн билэгдэл улаан өнгийн шигтгээ суулгасан байна.

1.2 Тэмдгийн урт нь 55.0 мм, өргөн нь 31.0 мм, деталь тус бүрийн зузаан нь 2.0 мм байна. “Тэргүүний гүйцэтгэгч” тэмдгээр шагнагдагсдад хувийн дугаар бүхий үнэмлэх олгох ба, тэмдгийг тууз дагалдана. Туузны урт 2.8x1 см хэмжээтэй байна.



Хоёр. “Тэргүүний шийдвэр гүйцэтгэгч” үнэмлэхний тодорхойлолт

2.1 “Тэргүүний шийдвэр гүйцэтгэгч” үнэмлэх нь 8.5x6.5 см хэмжээтэй, улаан өнгийн эдээр үйлдсэн зөөлөвч бүхий хавтастай, гадна талын нүүрэн дээрх соёмбо нь алтан шар өнгөтэй, түүний доод хэсэгт “ҮНЭМЛЭХ” гэсэн үгийг тод шар өнгөөр

104

2.2 Үнэмлэхний хавтасны дотор талын баруун хэсэгт “Шүүхийн шийдвэр гүйцэтгэх байгууллагын “Тэргүүний гүйцэтгэгч” гэсэн бичээстэй байх бөгөөд уг бичээс болон үнэмлэхний дугаарыг хар өнгөөр бичсэн байна.

2.3 Үнэмлэхний хавтасны дотор талын зүүн хэсэгт шагнагдагчийн овог нэрийг бичиж “.....” таныг Шүүхийн шийдвэр гүйцэтгэх байгууллагад олон жил идэвх зүтгэл, үр бүтээлтэй ажиллаж байгааг Тань үнэлж, Шүүхийн шийдвэр гүйцэтгэх ерөнхий газрын даргын оныдугаарсын ... өдрийн тооттушаалаар “Тэргүүний шийдвэр гүйцэтгэгч” тэмдгээршагнажүнэмлэхолгов” гэсэн хар өнгийн бичээсийг байрлуулж, Ерөнхий газрын дарга гарын үсэг зурж, баталгаажуулсан байна.

--оо--



ШҮҮХИЙН ШИЙДВЭР ГҮЙЦЭТГЭХ
ЕРӨНХИЙ ГАЗРЫН ДАРГЫН
ТУШААЛ

2007 оны 07 сарын 25 өдөр

Дугаар A/106

Улаанбаатар хот

Шагнал бий болгох тухай

Шүүхийн шийдвэр гүйцэтгэх тухай Монгол Улсын хуулийн 6 дугаар зүйлийн 6.1.3 дахь заалтыг үндэслэн ТУШААХ нь:

1."Шүүхийн шийдвэр гүйцэтгэх байгууллагын ажилтанд шагнал, урамшуулалт олгох журам"-ыг нэгдүгээр, Шүүхийн шийдвэр гүйцэтгэх байгууллага "/Хүндэт ажилтан", "Салбарын тэргүүний ажилтан", "Албаны төлөө" I, II, III зэргийн тэмдэг, "Хүндэт тэмдэг", "Дурсгалын тэмдэг"/-ын тэмдэг, үнэмлэхний тодорхойлолтыг хоёрдугаар, загвар-тэмдэгийг гуравдугаар хавсралтаар тус тус баталсугай.

2.Дээрхи шагналын тэмдгийг батлагдсан загварын дагуу захиалан хийлгэх ажлыг зохион байгуулж, зохих нөөцтэй байлгах арга хэмжээ авч ажиллахыг Тамгын газар /дэд хурандаа М.Баттогтох/, Санхүү, үйлдвэр, төлөвлөлт, бодлого зохицуулалтын газар /хурандаа О.Шагдарсүрэн/-т тус тус үүрэг болгосугай.

3.Энэ журам батлагдсантай холбогдуулан Шүүхийн шийдвэр гүйцэтгэх ерөнхий газрын даргын 2001 оны А/10, 2005 оны А/118 дугаар тушаалуудыг тус тус хүчингүй болсонд тооцсугай.

4.Энэ журмын хэрэгжилтэд хяналт тавьж ажиллахыг Тамгын газар /дэд хурандаа М.Баттогтох/-т даалгасугай.



7888888H

Д.БАТЖАРГАЛ

М.Баттогтох

Шүүхийн шийдвэр гүйцэтгэх ерөнхий
газрын даргын 2008 оны ~~4/16~~ дугаар
тушаалын нэгдүгээр хавсралт

УХГРМ153

ШҮҮХИЙН ШИЙДВЭР ГҮЙЦЭТГЭХ БАЙГУУЛЛАГЫН
АЖИЛТАНД ШАГНАЛ, УРАМШУУЛАЛ ОЛГОХ
ЖУРАМ

Нэг. Нийтлэг үндэслэл

1.1. Шүүхийн шийдвэр гүйцэтгэх байгууллагад ажиллаж байгаа ажилтан, албан хаагчийн ажлын амжилт, үр дүн, бүтээлч үйл ажиллагааг хөхүүлэн дэмжих зорилгоор тэдэнд шагнал, урамшуулал олгоход энэхүү журмыг баримтлана.

1.2. Төрийн албаны стандарт, албан хаагчийн үйл ажиллагааны үр дүн, мэргэшлийн түвшин, ёс зүйн хэм хэмжээ, манлайлах ур чадвар, ажилласан хугацаа зэргийг шагнал, урамшуулал олгоход гол шалгуур үзүүлэлт болгоно.

1.3. Шүүхийн шийдвэр гүйцэтгэх байгууллагын үйл ажиллагаатай холбоотой хууль тогтоомжийг боловсронгуй болгох, хэрэгжүүлэхэд идэвх зүтгэл гарган ажилласан, гадаад хамтын ажиллагааг хөгжүүлэх үйл хэрэгт бодитой хувь нэмэр оруулсан төрийн, төрийн бус байгууллага, Монгол Улсын болон гадаадын иргэнийг Шүүхийн шийдвэр гүйцэтгэх байгууллагын шагналаар шагнаж урамшуулж болно.

Хоёр. Шагналын төрөл

2.1. Шүүхийн шийдвэр гүйцэтгэх байгууллагын ажилтныг Төрийн дээд одон медаль болон Засгийн газар, Хууль зүй, ~~дотоод хэргийн~~ яамны шагналаар тодорхойлон шагнуулж болно.

2.2. Шүүхийн шийдвэр гүйцэтгэх байгууллагын шагнал нь дор дурдсан төрөлтэй байна. Үүнд:

- Шүүхийн шийдвэр гүйцэтгэх байгууллагын "Хүндэт ажилтан" тэмдэг;
- "Салбарын тэргүүний ажилтан" тэмдэг;
- Шүүхийн шийдвэр гүйцэтгэх байгууллагын "Албаны төлөө" I, II, III зэргийн тэмдэг;
- Шүүхийн шийдвэр гүйцэтгэх байгууллагын "Хүндэт тэмдэг";
- Шүүхийн шийдвэр гүйцэтгэх байгууллагын "Дурсгалын тэмдэг";
- Шүүхийн шийдвэр гүйцэтгэх байгууллагын "Хүндэт дэвтэр"-т бичиж алдаршуулах;
- Шүүхийн шийдвэр гүйцэтгэх байгууллагын "Баярын бичиг"-ээр шагнах;
- Үнэ бүхий зүйл дурсгах.

Гурав. Шагналд нэр дэвшиүүлэх, олгох болзол,
ундэслэл

3.1.Шүүхийн шийдвэр гүйцэтгэх ерөнхий газрын харьяа шийдвэр гүйцэтгэх алба, хорих ангийн албан хаагчийг шагнах асуудлыг тухайн алба, хорих ангийн дарга, чөлөөнд байгаа ахмадыг Шүүхийн шийдвэр гүйцэтгэх ерөнхий газрын Ахмадын хороо, төрийн болон төрийн бус байгууллага, хуулийн этгээдийн ажилтан, Монгол Улсын иргэн, түүнчлэн гадаад улсын иргэнийг Тамгын газрын дарга шагнуулахаар тус тус нэр дэвшиүүлнэ.

3.2.Энэ журмын 2.1-д заасан шагналаар шагнуулахаар тухайн газар, хэлтэс, шийдвэр гүйцэтгэх алба, хорих ангийн даргын зохих журмын дагуу ирүүлсэн санал, тодорхойлолтыг Тамгын газар хянан үзэж шаардлага хангасан гэж үзсэн хүний асуудлыг Шүүхийн шийдвэр гүйцэтгэх ерөнхий газрын даргад тодорхойлон Хууль зүй, дотоод хэргийн сайдад уламжлан, шагнаж урамшуулах асуудлыг шийдвэрлүүлнэ.

3.3.Энэ журмын 2.2-т заасан шагналыг тухайн газар, хэлтэс, шийдвэр гүйцэтгэх алба, хорих ангийн даргын зохих журмын дагуу уламжилсан санал, тодорхойлолтыг үндэслэн Тамгын газар нэг бүрчлэн хянан үзэж, Шүүхийн шийдвэр гүйцэтгэх ерөнхий газрын даргад уламжлан шийдвэрлүүлнэ.

3.4.Шүүхийн шийдвэр гүйцэтгэх байгууллагын ажилтныг шагнаж урамшуулахад дор дурдсан болзол, үндэслэлийг харгалзан үзнэ. Үүнд:

3.4.1.Ур дүнгийн гэрээгээр хүлээсэн үүргээ бүрэн биелүүлж, тодорхой үр дүнд хүрсэн байдал;

3.4.2.Манлайлах ур чадвар, мэргэшлийн түвшинг дээшлүүлсэн байдал;

3.4.3.Төрийн албан хаагчийн ёс зүйн хэм хэмжээг сахидаг байдал;

3.4.4.Төрийн албанд тогтворт суурьшилтай ажилласан байдал;

3.4.6.Онцгой гавьяа буюу амжилт /урлаг, спорт, хөдөлмөр/ гаргасан байдал.

Дөрөв. Шагналд тодорхойлох

4.1.Шүүхийн шийдвэр гүйцэтгэх байгууллагын шагналыг Ардын хувьсгалын ойн баяр наадам, Улс тунхагласны, Зэвсэгт хүчин байгуулагдсаны ойн өдөр болон байгууллагын тэмдэглэлт ойт тохиолдуулан олгоно.

4.2.Шагнуулахаар тодорхойлсон материал, холбогдох баримт бичгийг тухайн тэмдэглэлт өдөр, ой болохоос 30-аас доошгүй хоногийн өмнө Шүүхийн шийдвэр гүйцэтгэх ерөнхий газрын Тамгын газарт хүргүүлнэ.

4.3.Шагналд тодорхойлоходоо дор дурдсан материалыг бүрдүүлнэ. Үүнд:

4.3.1.Ажилтны анкет;

4.3.2.Ажилтны ажил байдлын тодорхойлолт, ажлын үзүүлэлт;

4.3.3.Хамт олны болон даргын зөвлөлийн хуралдааны тэмдэглэл;

4.3.4.Онцгой амжилт гаргасан бол түүнийг гэрчлэх баримт бичиг.

4.4.Шүүхийн шийдвэр гүйцэтгэх ерөнхий газрын Тамгын газар нь газар, хэлтэс, шийдвэр гүйцэтгэх алба, хорих аngiас ирүүлсэн санал, тодорхойлолтыг хүлээн авч хянан үзэн, шаардлага хангасан материалыг Шүүхийн шийдвэр гүйцэтгэх ерөнхий газрын даргын зөвлөлийн хуралдаанд танилцуулж шийдвэрлүүлнэ.

Тав. Шагнал олгоход тавигдах шаардлага

5.1.Шүүхийн шийдвэр гүйцэтгэх байгууллагын "Хүндэт ажилтан" тэмдгийг Шүүхийн шийдвэр гүйцэтгэх байгууллагад үр бүтээлтэй ажиллаж, хариуцсан ажилдаа амжилт гаргаж, ажил үйлсээрээ тэргүүлсэн ажилтан, албан хаагчийг шагнах ба "Хүндэт ажилтан" тэмдгээр шагнагдсан ажилтанд үнэмлэх, энгэрийн тэмдэгийн хамт олгоно.

5.2."Салбарын тэргүүний ажилтан" тэмдгийг хорих байгууллагад үр бүтээлтэй ажиллаж, хариуцсан ажилдаа амжилт гаргаж, ажил үйлсээрээ тэргүүлсэн ажилтан, албан хаагчийг шагнах ба "Салбарын тэргүүний ажилтан" тэмдгээр шагнагдсан ажилтанд үнэмлэх, энгэрийн тэмдэгийн хамт олгоно.

5.3.Шүүхийн шийдвэр гүйцэтгэх байгууллагын "Албаны төлөө" I, II, III зэргийн медалиар шагнагдсан ажилтан, албан хаагчид Шүүхийн шийдвэр гүйцэтгэх байгууллагын "Албаны төлөө" I, II, III зэргийн үнэмлэх, энгэрийн тэмдэгийн хамт олгоно.

5.4.Шүүхийн шийдвэр гүйцэтгэх байгууллагын "Албаны төлөө" I, II, III зэргийн тэмдгээр шагнахдаа энэ журмын нийтлэг үндэслэлийг баримтлан Шүүхийн шийдвэр гүйцэтгэх байгууллагад ажилласан жилийг харгалзан зэргийн дарааллаар олгоно. Үүнд:

5.4.1.Шүүхийн шийдвэр гүйцэтгэх байгууллагад 5-аас дээш жил ажилласан ажилтан, албан хаагчийг "Албаны төлөө" III зэргийн тэмдгээр;

5.4.2.Шүүхийн шийдвэр гүйцэтгэх байгууллагад 10-аас дээш жил ажилласан ажилтан, албан хаагчийг "Албаны төлөө" II зэргийн тэмдгээр;

5.4.3.Шүүхийн шийдвэр гүйцэтгэх байгууллагад 15-аас дээш жил ажилласан ажилтан, албан хаагчийг "Албаны төлөө" I зэргийн тэмдгээр тус тус шагнана.

5.5.Шүүхийн шийдвэр гүйцэтгэх байгууллагын "Хүндэт тэмдэг"-ээр Шүүхийн шийдвэр гүйцэтгэх байгууллагад үр бүтээлтэй ажиллаж байгаа ажилтан, албан хаагч, түүнчлэн энэ журмын 1.3-д заасан шаардлагыг хангасан төрийн бусад байгууллагын ажилтан, албан хаагчийг шагнах ба "Хүндэт тэмдэг"-ийг үнэмлэх, энгэрийн тэмдэгийн хамт олгоно.

5.6.Шүүхийн шийдвэр гүйцэтгэх байгууллагын "Дурсгалын тэмдэг"-ээр энэ журмын 1.3-д заасан шаардлагыг хангасан Монгол Улсын болон гадаадын иргэнийг шагнах ба "Дурсгалын тэмдэг"-ийг үнэмлэх, энгэрийн тэмдэгийн хамт олгоно.

5.7.Шүүхийн шийдвэр гүйцэтгэх байгууллагад 20-иос доошгүй жил үр бүтээлтэй ажиллаж байгаа ажилтан, албан хаагчийн ажлын амжилтыг үнэлж, Шүүхийн шийдвэр гүйцэтгэх байгууллагын "Хүндэт дэвтэр"-т нэрийг нь бичиж алдаршуулах ба "Хүндэт дэвтэр"-т бичигдсэнийг батламжилж дурсгалын гэрчилгээ олгоно.

5.8.Шүүхийн шийдвэр гүйцэтгэх өрөнхий газрын "Баярын бичиг"-ээр шагнагдсан хүмүүст "Баярын бичиг" олгох бөгөөд уг шагналыг 15.000 /арван таван мянга/ төгрөгийн мөнгөн шагнал дагалдана.

5.9.Тэтгэвэрт гарсан ахмадыг зөвхөн Монголын Ахмадын өдрөөр шагнаж, билгийн улирлын хаврын тэргүүн сар-Цагаан сарын шинийн нэгний баяраар "Ахмад

настан, түүнд үзүүлэх хөнгөлөлт, үйлчилгээний тухай хууль"-ийн 9 дүгээр зүйлийн дагуу хүндэтгэлийн арга хэмжээ зохион байгуулна.

Зургаа. Шагналд зарцуулах хөрөнгө

6.1.Шүүхийн шийдвэр гүйцэтгэх байгууллагын болон бусад байгууллагын ажилтан, албан хаагч, гадаадын иргэнийг шагнах шагнал, урамшуулалд зарцуулах хөрөнгийг зохих журмын дагуу төсөв болон дотоод орлогоос санхүүжүүлнэ.

Долоо. Бусад зүйл

7.1.Байгууллагын шагналыг ямар нэгэн шалтгаанаар үрэгдүүлсэн, гэмтээсэн тохиолдолд нөхөн сольж олгож болно.

7.2.Нөхөн сольж олгоход дараахь баримт бичгийг бүрдүүлсэн байна. Үүнд:

- 7.2.1.Нөхөн сольж олгож өгөхийг хүссэн өргөдөл;
- 7.2.2.Үрэгдүүлсэн болон гэмтээснийг нотлох баримт;
- 7.2.3.Мөнгө тушаасан баримт.

7.3.Энэ журмын 7.2-т заасан баримт бичгийг үндэслэн Шүүхийн шийдвэр гүйцэтгэх ерөнхий газрын Тамгын газар шагналын тэмдэг, үнэмлэхийг хэвлүүлэн хийлгэсэн зардлыг хоёр дахин нугалж төлүүлэх ба төлбөрийг гаргуулан тэмдэг, үнэмлэхийг нөхөн олгоно.

- - - 000 - - -

Шүүхийн шийдвэр гүйцэтгэх ерөнхий
газрын дарын 2008 оны дугаар
тушаалын хоёрдугаар хавсралт

**НЭГ. ШҮҮХИЙН ШИЙДВЭР ГҮЙЦЭТГЭХ БАЙГУУЛЛАГЫН
"ХҮНДЭТ АЖИЛТАН" ТЭМДЭГ, ҮНЭМЛЭХНИЙ
ТОДОРХОЙЛОЛТ**

**Нэг. Шүүхийн шийдвэр гүйцэтгэх байгууллагын
"Хундэт ажилтан" тэмдэгийн тодорхойлолт**

1.1.Шүүхийн шийдвэр гүйцэтгэх байгууллагын "Хундэт ажилтан" тэмдэг нь алтлаг зургаан хошуу, хошуу хоорондох хэсгийг холбосон мандан бадрахыг бэлэгдсэн ивээлт нарны цацрагтай ба цацраг доторх шар өнгийн дэвсгэр дээр "ШШГБ", "ХҮНДЭТ АЖИЛТАН" гэсэн бичээстэй байх бөгөөд түүний дотор талын дугуйд бүрэн эрхт байдал, цог хийморийг илтгэсэн төрийн далбааны бэлэгдэл улаан, хөх, улаан өнгийн дэвсгэр дээр хууль, шударга ёсны бэлэгдэл илд бамбайг товойлгон байрлуулж, дотор талын ногоон суурин дээр төрийн алтан соёмыг байрлуулна.

1.2.Тэмдгийн үндсэн суурь зургаан хошууны хэмжээ 5.5 см, дотор цагирагийн хэмжээ 3.0 см, бамбайн өндөр 2.6 см, өргөн 2.3 см, соёмын өндөр 0.8 см байна. Тэмдгийн ар талд тогтоох зүүлттэй байна. Тэмдгийг тууз /лент/ дагалдана. Туузны урт 2.8x1 см байна.

1.3.Шүүхийн шийдвэр гүйцэтгэх байгууллагын "Хундэт ажилтан" тэмдгийг Шүүхийн шийдвэр гүйцэтгэх байгууллагад үр бүтээлтэй ажиллаж, хариуцсан ажилдаа амжилт гаргаж, ажил үйлсээрээ тэргүүлсэн ажилтан, албан хаагчийг шагнаж урамшуулна.

**Хоёр. Шүүхийн шийдвэр гүйцэтгэх байгууллагын
"Хундэт ажилтан" тэмдгийн үнэмлэхний
тодорхойлолт**

2.1.Шүүхийн шийдвэр гүйцэтгэх байгууллагын "Хундэт ажилтан" тэмдгийн үнэмлэх нь 8.5x6.5 см хэмжээтэй, улаан өнгийн эдээр үйлдсэн зөвлөвч бүхий хавастай, гадна талын нүүрэн дээрх соёмбо нь алтан шар өнгөтэй, түүний доод хэсэгт "ҮНЭМЛЭХ" гэсэн үгийг тод шар өнгөөр бичсэн байна.

2.2.Үнэмлэхний хавтасны дотор талын баруун хэсэгт "Шүүхийн шийдвэр гүйцэтгэх байгууллагын "Хундэт ажилтан" гэсэн бичээстэй байх бөгөөд уг бичээс болон үнэмлэхний дугаарыг хар өнгөөр тус тус бичсэн байна.

2.3.Үнэмлэхний хавтасны дотор талын зүүн хэсэгт шагнагдагчийн овог нэрийг бичиж, ".... таныг Шүүхийн шийдвэр гүйцэтгэх байгууллагад олон жил идэвх зүтгэл, үр бүтээлтэй ажиллаж байгааг Тань үнэлж, Шүүхийн шийдвэр гүйцэтгэх ерөнхий газрын дарын 200... оны ... дугаар сарын ... -ны өдрийн ... дугаар тушаалаар Шүүхийн шийдвэр гүйцэтгэх байгууллагын "Хундэт ажилтан" тэмдгээр шагнаж, үнэмлэх олгов" гэсэн хар өнгийн бичээсийг байрлуулж, Ерөнхий газрын дарга гарын үсэг зурж, баталгаажуулсан байна.

**ХОЁР. ШҮҮХИЙН ШИЙДВЭР ГҮЙЦЭТГЭХ БАЙГУУЛЛАГЫН
"САЛБАРЫН ТЭРГҮҮНИЙ АЖИЛТАН" ТЭМДЭГ,
ҮНЭМЛЭХНИЙ ТОДОРХОЙЛОЛТ**

**Нэг. "Салбарын тэргүүний ажилтан"
тэмдгийн тодорхойлолт**

1.1."Салбарын тэргүүний ажилтан" тэмдэг нь хууль, шударга ёсны бэлэгдэл болсон илд бамбай дэвсгэртэй байна. Илд бамбайн дотор талын ногоон өнгийн дэвсгэр дээр төрийн алтан соёмбо байрлуулна. Соёмбын доод талд монгол бичгээр "ТЭРГҮҮНИЙ АЖИЛТАН" гэж улаан өнгийн туузан дээр бичигдсэн байх бөгөөд туз, илдний доод огтлолцолын хэсэгт эрдэм, оюуны бэлэгдэл номыг цагаан өнгөөр дүрслэн байрлуулж, түүний дотор хэсэгт зогсолтгүй эргэх хүчний бэлэгдэл хүрдийг байрлуулна.

1.2.Тэмдгийн өндөр 5.2 см, өргөний хэмжээ 3.2 см хэмжээтэй байна. Тэмдгийн ар талд хувцсанд тогтоох зүүлттэй байх ба тэмдгийг лент дагалдана. Лентны урт 2.8x1 см байна.

1.3."Салбарын тэргүүний ажилтан" тэмдгийг хорих байгууллагад үр бүтээлтэй ажиллаж, хариуцсан ажилдаа амжилт гаргаж, ажил үйлсээрээ тэргүүлсэн ажилтан, албан хаагчийг шагнаж урамшуулна.

**Хоёр. "Салбарын тэргүүний ажилтан" тэмдэгийн
үнэмлэхний тодорхойлолт**

2.1."Салбарын тэргүүний ажилтан" тэмдэгийн үнэмлэхний хэмжээ нь "Хүндэт ажилтан" тэмдгийн үнэмлэхтэй адил хэмжээ, материалаар хийгдсэн байна.

2.2.Үнэмлэхний хавтасны дотор талын баруун хэсэгт шагнагдагчийн овог нэрийг бичиж "... Таныг Шүүхийн шийдвэр гүйцэтгэх байгууллагад олон жил идэвх зүтгэл, үр бүтээлтэй ажиллаж байгааг тань үнэлж Шүүхийн шийдвэр гүйцэтгэх ерөнхий газрын даргын 200... оны ... дугаар сарын ... -ны өдрийн ... дугаар тушаалаар Шүүхийн шийдвэр гүйцэтгэх байгууллагын "Салбарын тэргүүний ажилтан" тэмдгээр шагнаж, үнэмлэх олгов" гэж хар өнгийн бичээсийг байрлуулж, Ерөнхий газрын дарга гарын үсэг зурж, баталгаажуулсан байна.

**ГУРАВ. ШҮҮХИЙН ШИЙДВЭР ГҮЙЦЭТГЭХ БАЙГУУЛЛАГЫН
"АЛБАНЫ ТӨЛӨӨ" I, II, III ЗЭРГИЙН ТЭМДЭГ, ТУУЗ,
ҮНЭМЛЭХНИЙ ТОДОРХОЙЛОЛТ**

**Нэг. Шүүхийн шийдвэр гүйцэтгэх байгууллагын
"Албаны төлөө-I" зэргийн тэмдэг, туузны тодорхойлолт**

1.1.Шүүхийн шийдвэр гүйцэтгэх байгууллагын "Албаны төлөө-I" зэргийн тэмдэг нь /цаашид "Албаны төлөө-I" тэмдэг" гэх/ хоорондоо богино цагирагаар холбогдсон тэмдэг, ялгах зүүлт хоёроос бүрдсэн байна.

1.2."Албаны төлөө-I" тэмдэг нь 4 см өндөртэй, улаан таван хошуу, түүний хооронд хошуу хоорондоо хэсгээрээ давхардуулан төвийлгөж хийсэн ивээлт нарны цацрагыг бэлэгдсэн бэлэгдэл нь алтлаг өнгөтэй, төв хэсэг нь тус байгууллагын ариун үйлсийг бэлэгдсэн цагаан дэвсгэр дээр "ШҮҮХИЙН ШИЙДВЭР ГҮЙЦЭТГЭХ БАЙГУУЛЛАГА" гэж шар өнгийн үсгээр тойруулан бичигдсэн байх бөгөөд тойрог дотор мөнх тэнгэрийг бэлэгдсэн хөх өнгийн дэвсгэр дээр Монгол Улсын тусгаар тогтолц, бүрэн эрхт байдал, цог хийморийг илтгэсэн төрийн алтан соёмбыг дүрсэлсэн байна.

1.3.Ялгах зүүлт нь 2.3 см өндөр, 2 см өргөнтэй байна. Ялгах зүүлт нь нэгдүгээр зэргийг илтгэсэн цэнхэр өнгийн нэг босоо багантай бөгөөд хоёр талдаа алтлаг шар өнгөөр хүрээлэгдсэн байна.

1.4.Шүүхийн шийдвэр гүйцэтгэх байгууллагын "Албаны төлөө-I" зэргийн дурсгалын тэмдэгний тууз нь 1 см өндөр, 2.5 см өргөнтэй, ялгах зүүлттэй адил өнгөтэй материалыар хийгдсэн байна.

**Хоёр. Шүүхийн шийдвэр гүйцэтгэх байгууллагын
"Албаны төлөө-II" зэргийн тэмдэг, туузны тодорхойлолт**

2.1.Шүүхийн шийдвэр гүйцэтгэх байгууллагын "Албаны төлөө-II" зэргийн тэмдэг нь /цаашид "Албаны төлөө-II" тэмдэг" гэх/ хоорондоо богино цагирагаар холбогдсон тэмдэг, ялгах зүүлт хоёроос бүрдсэн байна.

2.2."Албаны төлөө-II" зэргийн тэмдэг нь харагдах дүрсийн хувьд "Албаны төлөө-I" дүгээр зэргийн тэмдэгтэй адилхан, улаан таван хошуу, түүний хооронд хошуу хоорондоо хэсгээрээ давхардуулан төвийлгөж хийсэн ивээлт нарны цацрагыг бэлэгдсэн хэсэг нь мөнгөлөг өнгөтэй байна.

2.3.Ялгах зүүлт нь 2.3 см өндөр, 2 см өргөнтэй байна. Ялгах зүүлт нь хоёрдугаар зэргийг илтгэсэн цэнхэр өнгийн хоёр босоо багантай бөгөөд багана хооронд мөнгөлөг өнгөөр хүрээлэгдсэн байна.

2.4."Албаны төлөө-II" зэргийн тэмдгийн тууз нь 1 см өндөр, 2.5 см өргөнтэй, ялгах зүүлттэй адил өнгөтэй материалыар хийгдсэн байна.

Гурав. Шүүхийн шийдвэр гүйцэтгэх байгууллагын
"Албаны төлөө-III" зэргийн тэмдэг, туузны тодорхойлолт

3.1.Шүүхийн шийдвэр гүйцэтгэх байгууллагын "Албаны төлөө-III" зэргийн тэмдэг /цаашид "Албаны төлөө-III" тэмдэг" гэх/ хоорондоо богино цагирагаар холбогдсон медаль, ялгах зүүлт хоёроос бүрдсэн байна.

3.2."Албаны төлөө-III" зэргийн тэмдэг нь "Албаны төлөө-I", "Албаны төлөө-II" зэргийн тэмдэгтэй харагдах дүрсийн хувьд адилхан, улаан таван хошуу, түүний хооронд хошуу хоорондоо хэсгээрээ давхардуулан төвийлгэж хийсэн ивээлт нарны цацрагыг бэлэгдсэн хэсэг нь зэс өнгөтэй байна.

3.3.Ялгах зүүлт нь 2.3 см өндөр, 2 см өргөнтэй байна. Ялгах зүүлт нь гуравдугаар зэргийг илтгэсэн цэнхэр өнгийн гурван босоо багантай бөгөөд багана хооронд зэс өнгөөр хүрээлэгдсэн байна.

3.4."Албаны төлөө-III" зэргийн тэмдгийн тууз нь 1 см өндөр, 2.5 см өргөнтэй, ялгах зүүлттэй адил өнгөтэй материалыар хийгдсэн байна.

Дөрөв. Шүүхийн шийдвэр гүйцэтгэх байгууллагын
"Албаны төлөө" I, II, III зэргийн тэмдэгийн
үнэмлэхний тодорхойлолт

4.1.Шүүхийн шийдвэр гүйцэтгэх байгууллагын "Албаны төлөө-I", "Албаны төлөө-II", "Албаны төлөө-III" зэргийн тэмдэгийн үнэмлэхний хэмжээ нь "Хүндэт ажилтан" тэмдгийн үнэмлэхтэй адил хэмжээ, материалыар хийгдсэн байна.

4.2.Үнэмлэхний хавтасны дотор талын баруун хэсэгт шагнагдагчийн овог нэрийг бичиж "..... таныг Шүүхийн шийдвэр гүйцэтгэх байгууллагад олон жил идэвх зүтгэл, үр бүтээлтэй ажиллаж байгааг Тань үнэлж, Шүүхийн шийдвэр гүйцэтгэх ерөнхий газрын даргын 200... оны ... дугаар сарын ... -ны өдрийн ... дугаар тушаалаар Шүүхийн шийдвэр гүйцэтгэх байгууллагын "Албаны төлөө-I", "Албаны төлөө-II", "Албаны төлөө-III" зэргийн тэмдгээр шагнаж, үнэмлэх олгов." гэж хар өнгийн бичээсийг байрлуулж, Ерөнхий газрын дарга гарын үсэг зурж, баталгаажуулсан байна.

**ДӨРӨВ. ШҮҮХИЙН ШИЙДВЭР ГҮЙЦЭТГЭХ БАЙГУУЛЛАГЫН
"ХҮНДЭТ ТЭМДЭГ", ҮНЭМЛЭХНИЙ ТОДОРХОЙЛОЛТ**

Нэг. "Хүндэт тэмдэг"-ийн тодорхойлолт

1.1."Хүндэт тэмдэг" нь хууль, шударга ёсны бэлэгдэл болсон илд бамбайн дэвсгэртэй байна. Илд бамбайн дотор талын шар өнгийн хүрээний дээд хэсэгт "ШШГБ" гэсэн бичээстэй байх бөгөөд хүрээн дотор талд бүрэн эрхт байдал, цог хийморийг илтгэсэн төрийн далбааны бэлэгдэл улаан, хөх, улаан өнгийн дэвсгэр дээр төрийн алтан соёмбо, түүний доод талд "ХҮНДЭТ ТЭМДЭГ" гэсэн хөх өнгийн бичигтэй алтан шар өнгийн туузыг байрлуулна. Тэмдгийн өндөр 4.5 см, өргөн 3.2 см. Тэмдгийн ар талд хувцсанд тогтоох зүүлттэй байна. Тэмдгийг тууз /лент/ дагалдана. Туузны урт 2.5x1 см байна.

**Хоёр. Шүүхийн шийдвэр гүйцэтгэх байгууллагын
"Хүндэт тэмдэг"-ийн үнэмлэхний тодорхойлолт**

2.1.Шүүхийн шийдвэр гүйцэтгэх байгууллагын "Хүндэт тэмдэг" тэмдгийн үнэмлэх нь 8.5x6.5 см хэмжээтэй, улаан өнгийн эдээр үйлдсэн зөвлөвч бүхий хавтастай байна. Дээрх соёмбо нь алтан шар өнгөтэй, түүний доод хэсэгт "Үнэмлэх" гэсэн үгийг тод шар өннгөөр бичсэн байна.

2.2.Үнэмлэхний хавтасны дотор талын баруун хэсэгт "Шүүхийн шийдвэр гүйцэтгэх байгууллагын "Хүндэт тэмдэг" гэсэн бичээс байх бөгөөд уг бичээс болон үнэмлэхний дугаарыг хар өнгөөр тус тус бичсэн байна.

2.3. нэмлэхний хавтасны дотор талын баруун хэсэгт шагнагдагчийн овог нэрийг бичиж, Шүүхийн шийдвэр гүйцэтгэх байгууллагын ажилтан, албан хаагчийн хувьд "..... таныг Шүүхийн шийдвэр гүйцэтгэх байгууллагад олон жил идэвх зүтгэл, үр бүтээлтэй ажиллаж байгааг тань үнэлж" гэх; төрийн бусад байгууллагын ажилтан, албан хаагчийн хувьд "..... таныг Шүүхийн шийдвэр гүйцэтгэх байгууллагын үйл ажиллагааг боловсронгуй болгох, боловсон хүчнийг бэлтгэх, гадаад хамтын ажиллагааг хөгжүүлэхэд тодорхой хувь нэмэр оруулсаныг Тань үнэлж" гэх, Шүүхийн шийдвэр гүйцэтгэх байгууллагын "Хүндэт тэмдэг"-ээр шагнаж, үнэмлэх олгов" гэж хар өнгийн бичээсийг байрлуулж, Ерөнхий газрын дарга гарын үсэг зурж, баталгаажуулсан байна.

**ТАВ. ШҮҮХИЙН ШИЙДВЭР ГҮЙЦЭТГЭХ БАЙГУУЛЛАГЫН
"ДУРСГАЛЫН ТЭМДЭГ", ҮНЭМЛЭХНИЙ ТОДОРХОЙЛОЛТ**

Нэг. "Дурсгалын тэмдэг"-ийн тодорхойлолт

1.1.Шүүхийн шийдвэр гүйцэтгэх байгууллагын "Дурсгалын тэмдэг" нь /цаашид "тэмдэг" гэх/ хоорондоо богино цагирагаар холбогдсон тэмдэг, ялгах зүүлт хоёроос бүрдсэн байна.

1.2.Тэмдэг нь 4 см өндөртэй, улаан таван хошуу, түүний хооронд хошуу хоорондох хэсгээрээ давхардуулан төвийлгэж хийсэн ивээлт нарны цацрагаар мандан бадрахыг бэлэгдсэн бэлэгдэл нь алтлаг өнгөтэй, төв хэсэг нь тус байгууллагын ариун үйлсийг бэлэгдсэн цагаан дэвсгэр дээр "ШҮҮХИЙН ШИЙДВЭР ГҮЙЦЭТГЭХ БАЙГУУЛЛАГА" гэж шар өнгийн үсгээр тойруулан бичигдсэн байх бөгөөд тойрог дотор мөнх тэнгэрийг бэлэгдсэн хөх өнгийн дэвсгэр дээр Монгол Улсын тусгаар тогтол, бүрэн эрхт байдал, цог хийморийг илтгэсэн төрийн алтан соёмбыг дүрсэлсэн байна.

1.3.Ялгах зүүлт нь 2.7 см өндөр, 2.1 см өргөнтэй дээд доод хоёр талдаа шар өнгийн металл, шар, цагаан, хүрэн гэсэн гурван өнгийн босоо багантай байна.

1.4.Шүүхийн шийдвэр гүйцэтгэх байгууллагын "Дурсгалын тэмдэг"-ний тууз нь 1 см өндөр, 2.5 см өргөнтэй, ялгах зүүлттэй адил өнгөтэй материалыар хийгдсэн байна.

**Хоёр. "Дурсгалын тэмдэг"-ийн үнэмлэхний
тодорхойлолт**

2.1.Шүүхийн шийдвэр гүйцэтгэх байгууллагын "Дурсгалын тэмдэг"-ийн үнэмлэх нь 8.5x6.5 см хэмжээтэй улаан өнгийн эдээр хийгдсэн зөөлөвч бүхий хавтастай, гадна талын нүүрэндээ алтан шар өнгийн соёмботой, түүний доод хэсэгт "ҮНЭМЛЭХ" гэж үсгээр бичсэн байна.

2.2.Үнэмлэхний хавтасны дотор талын зүүн хэсэгт "Шүүхийн шийдвэр гүйцэтгэх байгууллагын "Дурсгалын тэмдэг" гэсэн бичээс байх ба уг бичээс, үнэмлэхний дугаарыг хар өнгөөр тус тус бичсэн байна.

2.3.Үнэмлэхний хавтасны дотор талын баруун хэсэгт шагнагдагчийн овог нэрийг бичиж, "..... таныг Шүүхийн шийдвэр гүйцэтгэх байгууллагын үйл ажиллагааг боловсронгуй болгох, боловсон хүчнийг бэлтгэх, гадаад хамтын ажиллагааг хөгжүүлэхэд тодорхой хувь нэмэр оруулсныг Тань үнэлж, Шүүхийн шийдвэр гүйцэтгэх байгууллагын "Дурсгалын тэмдэг"-ээр шагнаж, үнэмлэх олгов" гэж хар өнгийн бичээсийг байрлуулж, Ерөнхий газрын дарга гарын үсэг зурж, баталгаажуулсан байна.